

جَزَائِرَ عَجَائِرَ

جمعه ایرتسی

نومرو	شعبان	سنه	كانون ثانى	سنه	صحيفة
٩٠٩	١٣	١٣١٤	٤	١٣١٢	١٢٨٦١

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولتور . بهر)
 (نسخه سی ینه مجیدیه یکریمی غروش اولق اوزره یوزباره یه هر پرده صاتیلور . درج اولنه جق)
 (اعلاناتک هر برندن بر مجیدیه اخذ اولتور . سنه لکنه مشتری اولق استیانلر عدلیه نظارتی)
 (دایره سنده کائن جریده محاکم اداره سنه مراجعت ایلیلدر)

قسم رسمی

(فی ٧ شعبان سنه ٣١٤ وفی ٢٤ كانون اول)
 (سنه ٣١٢ تاریخیه بالجمله ولایات استیناف)
 (محکمه سی مدعی عمومیلرینه ومدعی عمومی)
 (بولنمیان محللر مدعی عمومی معاونلرینه یازیلان)
 (تخریرات عمومی صور تیدر)

جنحه وجنایتدن طولای مطنون علیه اولوب
 تحت توقیفه آلمان اشخاصک جرمک وقوعی اثباته

مدار اولق اوزره اوزر لرنده واقامتگاهلرنده
 ظهور ایدن اسلحه واموال واشیای سائر نک
 بولیس اداره سنه مربوط اوله رق مکفل برامانت
 مأموری واسطه سیله محافظه ایتدیرلمسی تعلیمات
 مخصوصه سی احکامندن اولدینی حالدله ولایت
 استیناف وبدایت محکمه لری جزا واستنطاق
 دایره لر نجه بومثالو اسلحه واشیانک دایره عدلیه ده
 اوطه جی نزدنده قالدینی عند التفیش اکلشله
 یقیندن بمشله تعلیمات مذکور احکامنه توفیقاً
 شهری بشیوز غروش معاشله مکفل برامانت

دخی لفا تسیاری اولنگله بر منوال محرر ایفای
معامله به دقت و اهتمام اولنمسی سیافنده

قسم غیر رسمی

لوله برغوس بدایت محکمه سندن
۲۸ تشرین اول سنه ۳۰۷ تاریخی ایله ویریلان
اعلامک تمیزینی استعدا ایدن قضاء مذکورک
حسین بک محله سنده مقیم حاجی شهوار زاده
حسب و برادری عبدول اغالر ایله مدعی علیها
محکمه مذکورده دن ساکنه حاجی شهوار کریم سی
شاهزار خاتم یوم معینده دائرہ کدکرنندن
محاکمه حقوقیه قانوننک ایکوز یکریمی طقوزنجی
ماده سی موجبجه تدقیقات تمیزیه اجراسنه
ابتدار اولندی .

ایجابی مذاکره اولندقدہ اعلام مذکور
مطالعہ سندن مفہم اولدینی اوزره مزبورہ
شاهزار خانمہ پدری متوفی حاجی شهوار اغادن
ارثاً انتقال ایدوب برادرلری مرقومان حسیب
وعبدول اغالرله مشترکاً متصرف اولدقلری

مأموری انتخاب و تعیینه مآذونیت اعطاسی
سلانیک ولایتندن مبعوث تحریر اتده اشعار اولدینی
وبو مثللو اسلحه و نقود و اشیا ی سائرہ نک
اوطه جیلر نزدندہ حفظی قطعاً جائز اوله میه جنی
بو بولده حفظ اولنان اشیا نک صورت حفظی
حقنדה کی تعلیماتک دخی تشکیلات عدلیه اجراسندن
صکره مررض و عمیق دوشونیلرک اتخاذ اولنسنه
نظراً در سعادت و بک اوغلی واسکدار جهتلرنده
اولدینی کی سلانیک ولایتجه ده پولیس اداره
سندہ بولنان پولیسلردن برینک کفالت مالیه ایله
بو وظیفه نک اجراسنه مأموریتی تعلیمات مخصوصه سی
احکامنه توافق ایتکله برابر بودجه خارجنده
معاش تخصیصی کی مصرف اختیارینده لزوم
براقیه جنی و بوقاعده نک عموم ولایت شاهانه جه
موقع اجرایه قونلمسی توحید معاملہ بی استلزام
ایده جکندن اولوجهله مقتضای حالک ایفای
لزومی شورای دولت تنظیمات دائره سندن تنظیم
واعطا اولنان مضبوطده افاده اولدینی بیان
عالیسیله اجرای ایجابی با بیورلدی سامی امر
واشعار بیورلسنه وبالجمله استیناف محاکمی مدعی
عمومیکلرینه تبلیغ کیفیت قلنمش اولدینی کی
اشبو تحریرات عمومیه نک نسخ مطبوعه کافیه سی

حقیقہ جق طرفه رجوع ایتک اوزره اول
امردہ مدعی علیها شاهزار خانمندن النسنه
۲۱ کانون اول سنه ۳۱۱ تاریخنده متفقاً قرار
ویرلدی .

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

تاریخیه و تقسیمه

معلوم الحدود طقوز قطعه ترلا ایله برقطعه باغنه
وقوعبولان مداخله لرینک منعیلہ برابر حصه
شایعه سنک تقریقی طلب ودعوی وبرقطعه ورقه
ابرار واعطا ایتسی اوزرینہ جریان ایدن محاکمه
وتدقیقاتہ مدعی علیهما مرقومان نک منازع فیہ
اراضیلرہ فضولاً مداخله ایتکده اولدقلری
مرقومان حسیبک یمین تکلیفندن تکولی وعبدول
اغانک مزبورہ نک حصه سی اقرار ایله تحقق
ایلدیکنه بناء مداخله واقعہ لرینک منعیلہ اراضی
مذکورہ نک مأموری معرفتیه سوباً تقریق
وتقسیمه ومدعی علیهما طرفلردن مزبورہ نک
حصه سنه زرع اولنہرق هنوز نشو ونما بولیمان
تخم مثلنکده مدعیہ مزبورہ دن اخذیلہ مدعی
علیہما به اعطاسنه محکمه جه حکم اولنمش ایسده
حصه شایعه نک قطعاً تقریقی وهرکسک کندی
حصه مصایبه سنک حدود ومقدارینک تعیینیلہ
کیفیت اعلامه ربط ایدلماش اولسنه کوره قرار
مذکور حکم قطعی بی متضمن اولیوب بناء علیہ
شمیدین قابل تمیز قرارلردن اولمادیغنه بناء
اصول محاکمه حقوقیه قانوننک ایکوز اون سکزنجی
ماده سی موجبجه اولیابده کی تمیز استدعاسنک
ردینہ وزیرده مفرداتی مرقم یوز التمش ایکی
غروش اوتوز پاره مصارف تمیزیه نک ایلروده

اعلام مذکورک خلاصه مالی مزبورتان
آمنه وعایشه خانلرک متوفی یدرلردن انتقالاً
عهده تصرفلرنده بولنان صوسن قریه سی جوارنده
کآن معلوم المقدار والحدود ترلالرینہ مومی الیه

طابو سندی نه بنای حکم ایدلمسی مغایر قانون اولدیغندن بجه اعلامک تقضی استعدا سندن ویمیز علیهمک لایحه سنده مندرج نتیجه جوابی دخی اعتراضات واقعه نک واهی اولدینی بیانیه ردی و موافق قانون اولان اعلامک تصدیق طلبندن عبارت بولمیشدر .

ایجابی مذاکره اولندوقده اعلام مذکور مطالعه سندن منقهم اولدینی اوزره طرفین بیتده منازع فیه ترلایه مدعی علیه مصطفی افندیکنک تصرفی مبرز طابو علم و خبریه ثابت اولدیغندن بجه مدعی لریک معارضه دن منعه حکم ویرلمش اولوب حالبوکه بومقوله عقار دعوالرنده اولاً ذی الیدلکک بینه ایله اثبات ایتدیرلمسی لازم کلیر کن محکمه مذکوره جه اراضی مذکوره به کیمک طرفندن وضع ید اولدینی بالینه اثبات ایتدیرلمسی و ذکر اولسان ترلانک مومی الیه مصطفی افندی جانبندن بالتصرف کرک مدعی لریک و کرکسه مورثلریک بر کونه ادعا و مداخله لری وقوع بولمیشدن دعوی استماع اولمیه حق مدت سکونت ایتمش اولوب اولمادقلرینه دائر تحقیقات لازمه اجرا وینه استماعیه تبیین ایده جک حاله کوره حکم ویرلمک مقتضی اولدینی حالده محکمه مرقومه جه

حاجی مصطفی افندی طرفندن واقع اولان مداخله نک منعی طلب و دعوی ایتلمیه قارشو عندالحا که مدعی علیه مصطفی افندی مذکور ترلانک امراء اوغلی نام کسندن تفرغاً کئندو- سنک عهده تملککنده بولندینی مدافعه تذکار ایله برقطه طابو علم و خبری ابراز و اعطا ایدرک ا کمال محاکمه ضمننده تعیین اولنان کونده اجابت ایتماسی اوزرینه غایبنده تعیین قلنان وکیل مسخر حضوریه اجرا قلنان محاکمه و تدقیقات نتیجه سنده منازع فیه ترلانک مومی الیه مصطفی افندیکنک تحت تصرفنده ایدوکی سالف الذکر طابو علم و خبری ایله تبیین و تحقیق ایتسنه مبنی بجه نک بیک یدیبوز اوتوز یدنجی ماده سی موجب مزبور نان آمنه و عایشه خانملرک معارضه دن منعه حکمدن و مستدعی لریک اشبو اعلام علیه نه لایحه لرنده محرر باشلوجه اعتراضاتی دعوی واقعه اراضیه متدائر اولدینی حالده ذی الیدلکک بالینه اثبات ایتدیرلمسی و ذکر اولسان اراضی بی اوتوز قرق سنده دن بری مورثلریک و بعدالانتقال بکرمی سنه بی متجاوز مدت دخی کئندولریک تصرف وزراعت ایلدکلرینی اثبات ایده بکلرینی عندالحا که درمیان ایتمش اولدقلری نظر اعتباره التمهیرق خصملریک اخیراً استحصا ایلمش اولدقلری

ساکنه مقروهی قادین و برادری قریه مذکوره ده مقیم اجزاجی سیمون ایله مدعی علیه چاقا قیچیلر یقوشنده بکرمی اوچ نومرولی مغازه ده ساکن روین مسکجیان برادرلر وکیلی قریه بت افندی بوم معینده دائریه ورود ایتملکه ایضاحات شفاهی لری بعدالاستماع تدقیقات تمیزیه اجرا سنه ایتدار اولندی .

اعلام مذکورک خلاصه مالی مرقوم روین مسکجیان برادرلرک امره محرر و جیرولی برقطه سند موجبیه و اجزاجی سیمون کفالتیه مزبوره مقروهی قادین ذمتنده الاجبی اولان اون عدد عثمانلی لیراسنک دیگر مدبون مریحان نام کسینه حقنده کی حق مطالبه سی باقی قالمق اوزره کفیل مزبور سیمون ایله مقروهی قادیندن تحصیلی طلب و دعوی وسند مذکور ی ابراز و اعطا ایتسنه قارشو مدعی علیهما مبرز سند هر قدر کئندولری طرفندن امضا اولمش ایسه ده اساس دین مریحانه فائد اولغله برابر کئندوسی حامل اول قارصیلیان ایله بعض معاملاتده بولمش اولسنه کوره انک دخی محاکمه حاضر بولمشی برقطه ورقه شفاهی اعطاسیله درمیان ایتمش ایسه ده مستند ادعا اولان سند مذکور

بوراسنه دخی دقت اولمقسزین بوقلمه دن ویریلان سالف الذکر طابو علم و خبریه بنای حکم اولمسی اصول و قانونه مغایر مستدعی لریک اعتراضاتی دخی بوجه تله متدائر اوله رق موافق نفس الامر کورلدیکنه بناء اصول محاکمه حقوقیه قانون موقتک ایکوز اوتوز ایکنجی ماده سی موجبیه اعلام مذکورک قضیه قانون مزبورک ایکوز قرق دردنچی ماده سی حکمنه توفیقاً کیفیتک صور مشروحه دائره سنده یکیدن بالرؤیه اعلامه ربطی ضمننده محکمه مذکوره به اعاده سنه وزیرده مفرداتی مرقم درتیوز اوتوز غروش مصارف تمیزیه نک ایلروده حقمنز جیه حق طرفه رجوع ایتک اوزره اول امرده مستدعی لردن التمسنه ۲ نیشان سنه ۳۱۰ تاریخنده متفقاً قرار ویرلدی .

در سعادت ایکنجی تجارت محکمه سندن ۱۰ نیشان سنه ۳۱۱ تاریخ و اوتوز برعددی ایله صادر اولان اعلامک تمیزینی استعدا ایدن قاضی قریه سنده یل ذکر ماننده نومروسر خانه ده

قانون تجارتك يوز قرق بشنجي ماده سي موجبجه شرائط قانونيه بي جامع وامره محرر اوله رق قانون مذ كورك طقسان دردنجي ماده سي حكمجه حامل اول طرفدن مدعي مزبور مكجيان برادرله دور ايدلمش بولمسنه وبومقوله حكم قانونه توفيقاً جيرو ايديلان سند دنطولاي حامل اوله قارشو درميان ايديلان اعتراضاتك حامل ثانيه قارشو بر كونه حكم وتأثيري اوله ميه جني كي مدعي مزبور جرآننه صفتيله اقامه دعوي ايتكمده اولمسنه بناءً مبلغ مذ كورك مع فائض مرقوم سيمون ايله مرقوهي قاديندن تحصيلنه حكمندن و مستدعي تميزك اشبو حكم عليهنده لايحه لرنده محرر اعتراضاتك باشلوجه سي مبرز سند مريچانك حامل اول قارصليانندن استقراض ايلديكي اون ليرا ايچون كفالتني متضمن اولوب مزبور مريچانك ابروجه امضا ايلديكي دين سندی كتم اولته رق سند مذ كور مدعي روپن مكجيان برادرله جيرو ايدلمش وبالاخره مکتوم اولان سندله ابروجه اقامه دعوي اولته رق بر دينك مكرراً استيفاسنه تشبث اولنه جني دركار اوله رق بوندنطولاي اقامه ايلدكاري حقوق عموميه دعوا سنك نتیجه سنه انتظار اولنمسي لازم كلوركن بوبابده كي ادالتينك رد اولنمسي مغاير

قانون اولديفندين بجنله اعلامك نقضی ومدعی علیهك نتیجه اجوبه سي اعتراضات مذ كوره نك واهی و بی اساس اولدینی بیانیله ردی و اعلامك تصدیقي طلبندن عبارت بولمشدرد.

ایجابی مذا كره اولمشدقه تمیزی طلب اولنان اعلامك نتیجه حكمی بالاده تفصیل و حكاية قلنديني اوزره مرقوم روپن مكجيان برادرلك امره محرر و جيرو سي اجرا قلنمش برقطعه سند موجبجه و اجزای سیمون كفالتيله مزبوره مرقوهي قادين ذمتنده الاجبی اولان عدد عثمانلی لیراسنك تحصيلنه وسند مذ كور شرائط قانونيه بي جامع وامره محرر اوله رق قانون تجارتك طقسان دردنجي ماده سي حكمه توفيقاً حامل اول قارصليان طرفندن مزبور مكجيان برادرله دور ايدلمش اولسنه وبومقوله حكم قانه توفيقاً جيرو ايديلان سند دنطولاي حامل اوله قارشو درميان ايديلان اعتراضاتك حامل ثانيه بر كونه حكم وتأثيري اوله ميه جني كي مدعي مكجيان برادرلك جرآننه صفتيله اقامه دعوي ايتكمده بولمسنه بناءً مبلغ مدعايهك مرقوم سيمون ايله مرقوهي قاديندن تحصيلنه و اساس دينك مريچان نام كسنه يه عائدیتی و كندوسنك محاكمه حاضر بولنديرلمسي حقنده

ومدعی علیهما طرفندن سبق ایدن ادعا نك ردینه حكمندن عبارت اولمسنه نظراً حكم واقع اسباب موجبيه مستند و اصول و قانونه موافق اولديفنه و مستدعي طرفندن تمیزاً سرداولنان اعتراضاتك نقض حكمی موجب اولديفنه بناءً اعتراضات مذ كوره نك رديله اصول محاكمه حقوقيه قانونيك ايكي سوز اوتوز برنجي ماده سي موجبجه اعلام مذ كورك تصدیقنه و زيورده مفرداتی مرقوم يوز اوتوز التي يحق غروش مصارف تمیزی به نك ايلورده مستدعي لره رجوع ايتك اوزره اول امرده روپن مكجيان برادرلردن الخمسنه ۲۰ ايلول سنه ۳۱۱ تاريخنده متفقاً قرار ويريله رك تفهيم قلندي.

بيروت بدايت محكمه سندن ۱۲ تموز سنه ۳۱۰ تاريخی و طقوز عددی ايله و بريلان اعلامك تمیزی استدعا ایدن يرونده مقيم فرانسه دواتي تبعه سندن متوفی لویس بشاره ورثه سندن اوغلی يوسف ورفقاسنك وکيلي اسکندر طراد افندی ايله مدعی علیه مادن جان بك

بتران وکيلي مفردیچ اساسيان افندی يوم معینده كلوب اسکندر کلديکندن و كيلان مومي اليهمانك ايضاحات شفايه لری استماع قلنهرق تدقيقات تمیزیه اجرا سنه ابتداء اولندی.

اعلام مذ كورك خلاصه مالی مرقومان جان بك واسکندر و آخراً وفات ايتش اولان برادرلری رفايل ايله مرقومونك متوفی پدرلرینه والده لری مريم خانوندن انتقال ایدن يروتك بابا يعقوب قربنده عسکری قشله سي خذاسنده كائن ويكديكرينه ملاصق معلوم الحدود ايكي باب خانه و برقطعه عرصه و باغچه ايله درت باب دكانده مرقوم يوسف ورفقاسنك مورثلری متوفی لویس بشاره نك ربع حصه سي وقوع وفاتيله ورثه سنه انتقال ايتش اولدینی حالده ورثه مرقومه عقارات مذ كوره نك تقسيمندن امتناع ايتكمده اولدقلرندن بجنله اجرای تقسيمنك تحت حكمه الخمسي مرقومان جان بك واسکندر ورفايل وکيلي سليم قشوع افندی طلب و دعوي و ۱۱ محرم سنه ۲۷۶ تاريخی برقطعه حجت شرعيه يه مبني ويرلمش اولان اون بش قطعه طايبو سندی ابراز واعطا ايتمسي ومدعی علیهك دعوتو اجابت ايتاملری اوزرينه وکيل مسخّر حضوريله اولاً غیباً و اعتراض

على الحكم استدعاسى اوزرينه وجاهاً جريان ایدن
محاكمه وكشف وتحقيقات وتدقيقات نتیجه سنده
عقارات مذ كوره نك قابل تقسیم اولدینی تبین
وتحقق ایلش اولدیغندن مرابعه تقسیمه دایر
ویریلان اعلامك بعض اسباب قانونیه دن طولایی
تمیزاً نقض ایلش اولمىندن ناشی محكمه مذ كو-
رهجه لاجل المحاكمه وقوعبولان دعوته مرقومون
يوسف ورفقاسنك اجابت ایتاملری ومدعیلردن
رفائيلك وقوعوقاتی حسیله ورثه متحاضره سی
مرقومان جان بك واسكنندر جانیندن اثبات
وراثت ضمنتده برقطعه تقسیم مذ كره سی ابراز
واعطا قلمسی اوزرینه بتكرار اجرا قلنان محاكمه
غیاییه نتیجه سنده معترض يوسف ورفقاسنك
اعلام غیابی علیهنده درمیان ایلدکری اوج نوع
اعتراضك شایان قبول کوریه مدیکی جهتله
اعتراضات مسرووده نك ردیه عقارات مذ كوره نك
تقسیمی حقنده مقدما اعطا قلنان اعلام غیابینك
کالاول تصدیقه حکمدن واشبو حکم علیهنده
مستدعیلرك لایحه لرنده مندرج باشلوجه اعتراضلری
بعدالنقض اجرا قلنان محاكمه غیاییه ده وکیل
مسخر تعیین اولنماسی ومدعیلردن اثنای تمیزده
وفات ایدن رفائيلك اثبات وراثتی حقنده محكمه
شرعیه دن ویرلش اعلام ابراز ایتدیرلك لازم

ایجابی مذا كره اولندقه اعلام مذ كور
مأئدن اكلاشله دینی اوزره بدایه مدعیلردن
رفائيلك اعلام ابتدائینك نقصندن صكره وقوع
وقاته مبنی حصه سنك دیگر مدعیلره موروث
اولمی حسیله محاكمه اخیره نك اجراسی صره ده
مدعیلرك متوفای اخیرك حصه سنی دخی اولکی
محاكمه ده وکیللری بولنان سلیم قشوع افندی
معرفیه له دعوی ایتش اوللرینه نظراً محكمه
بدایتجه وکیل مومی الیهك وكالتك تجدید
ایتدیرلمی اقتضا ایدر ایکن تجدید ایتدیرلماسی

۱۶ تشرین ثانی سنه ۳۱۱ تاریخنده متفقاً قرار
ویریلرك تفهیم قلندی .

واولکی تقسیم حقنده حکم هنوز قطعیت کسب
ایتمکسزین رفائيلك وفاتی وقوعنده تقسیم مذ كور
دخی عدد ورثه اوزرینه اجرا اولمیوبده بش نفر
مدعی علیهلرك حصه لرینك بر حصه اعتباریه تقسیم
اولمش اولمىندن ومدعیلر بدایت محكمه سنه
ویردکری عرفخالده ایکی باب خانه درت دکان
وعرصه ویر بانچه نك بینلرنده مشترک اولدیغنی
اقرار ایله تقسیمی طلب ایتدکری حالده مؤخرأ
بردگانك مدعیلردن جان بكك اولدینی ادعا اولمىنه
استناداً اولکی ادایه مناقض اولان بوصورت
نظر دفته التمسزین وخصوصیه ملکیت جهتی
اثبات اولنمسزین بردگانك تقسیمدن خارج
براغلمسی بولمز ومخالف وقانون اولدیغندن
اصول محاكمه حقوقیه قانوننك ایکوز اوتوز
ایکنجی ماده سی موجبجه اعلام مذ كورك
نقضیه قانون مذ كورك ایکوز قرق دردیجی
ماده سی حکمنه توفیقاً کیفینك صور محرره
دائر سنده بالرؤیه اعلامه ربطی ضمنتده محكمه
مذ كوره به اعاده سنه وزیرده مفرداتی مرقم
اوچیوز قش غروش اونپاره مصارف
محاكمه نك ایلروده حقسز چیه حق طرفه رجوع
ایتمك اوزره اول امرده مستدعیلردن اخذینه

طریزون استیناف محكمه سندن ۶ شباط
سنه ۳۰۹ تاریخی ویکرمی الی عددی ایل
ویریلان اعلامك تمیزینی استدعا ایدن طریزونك
قاسم اغا محله سنده ساکن ارنبود زاده حسن
افندی وکیل توفیق بك يوم معینه دایره به ککش
ایسده مدعی علیهما طریزونده مقیم مهاجرین
چرا کسندن مراد ومحمد امین اغالر کلدکلرندن
یالکز وکیل مومی الیهك ایضاحات شفاهیه سی
استماع قلنهرق تدقیقات تمیزیه اجراسنه ایتدار
اولندی .

اعلام مذ كورك خلاصه مالی مرقومان
مرادوامین اغالر طریزونده ارغالیه قریه سنده کاش
اولوب جانب میریدن کندیلرینه تفویض اولنهرق
باطاپوتحت تصرفلرنده بولنان یکریمی دونم اراضی به
مزبور حسن افندی نك وقوعبولان مداخله سنك
منفی طلب ودعوی وبرقطعه طابو سندی ابراز
واعطا ایتلری ومدعی علییه حسن افندی دخی

کندوسنک محل مذکورده اوتوز دونم اراضیسی
اولوب بلا نزاع اون سنه دتبرو تصرف ایتمکده
اولدینی مدافعه بیان و انبایتمسی اوزرینه اولباده
اجراقلنان محاکمه و تدقیقاند اراضی مذکورده
فی الاصل اراضی خالیه میریدن اولمقله قریه لری
هیئت اختیاریه سنک اولباده و بردکاری شهادتنامه
اوزرینه مجلس اداره قضاچه مهاجریندن بولنان
مرقوم مراد و امین اغلره باطاپو تفویض واحاله
قلندینی و مزبور حسن افندینک قریه مذکورده
بر مقدار اراضیسی واریسه ده مرقومانک بیان
ایتدکاری حدودله محدود اراضی به تعلق و مناسبتی
اولدینی مزبور شهادتنامه ایله طاپو اداره سندن
کلان جواب مآلندن ا کلا شلمش اولمسنه بنام
اراضی مذکورده مزبور حسن افندینک وقوع
بولان مداخله سنک منعه دائر صادر اولان
اعلامک استینافاً تصدیقه حکمدن واشبو حکم
علیهنده مستدعی تمیز حسن افندینک باشلوجه
اعتراضی کندیمی اراضی مذکورده اونی سنه دن
برو بلا نزاع زراعت و تصرف ایتمکده اولدینی
جهتله حق قراری ثابت اولدینی حالده محکمه جه
مابعدی وار

اعلان

طاشچی محمدی بینلرند ظهوره کلان منازعه
تبعیه سی اوله رق جرح و قتل ایله دیکی ادعاسیله
مظنون علیه اولان قیصه بویلی و نارین وجودلی
بیاض چهره لی قره کوز و قاشلی از اینجه قرال
بیقلی صول و یاخود صاغ کوزینک چکمه سنه یقین
مخلنده یاره اثری بولنان چرکس علی نام شخص
فرار ایتسندن و حقنده اجرا اولنان تحقیقات
استنطاقیه اوزرینه هیئت اتهامیه دن جنایتله
اتهامنه قرار ویرلسندن ناشی اصول محاکمات جزائییه
قانوننک اوچبوز یتیش برنجی ماده سی منطوقجه
معامله مقتضیه ایضا و محاکمه علنیه غیاییه سی
بالاجرا قانون جزانک یوز یتیش درنجی ماده سنک
ققره اولاسنه توفیقاً اون بش سنه مدته کورکه
قونلمسنه و اوتوز برنجی ماده موجبجه حقوق
مدنیه دن اسقاطیله اموالک جزینه محکمه جنایتدن
حکم اولمش و ذکر اولنان اصول محاکمات جزائییه
قانوننک اوچبوز یتیش بدنجی و اوچبوز یتیش
سکزننجی و اوچبوز سکسان برنجی ماده لرله
مواد سائرده احکامنه توفیق معامله اولنمی

مرجهنه بیلدیرلمش اولمقله اعلان کیفیتیه ابتدار
قلندی

فی ۳ شعبان سنه ۳۱۴
وفی ۲۴ کانون اول سنه ۳۱۲

کلدیکی حالده قانونه اطاعت ایتماش نظریله باقیله رق
محاکمه سی غیایاً بالاجرا حقوق مدنیه دن اسقاط
واموالی چیز ایدیه چکی و بوانشاده مرقومک
اقامه دعوییه حق اوله میسه چکی کبی مرقومک
بولدینی محلی بیللرک خبر ویرمه و بالجله
ضابطه عدلیه مأمور لرینک مرقومی درست
ایتکه مجبور بولندقلری بیانیه اعلان کیفیت
اولنور

فی ۲۵ رجب سنه ۳۱۴
وفی ۱۸ کانون اول سنه ۳۱۲

ازمید سنجاغنه تابع اطه بازاری قضاسنک
اقیازی ناحیه سنه ملحق کوچک تره قریه سی
اهالیسندن عایشه بنت عزتی انشای راهده اوکنه
چیه رق جبراً بکرنی ازاله ایتدیکی ادعایسندن
دولای مظنون علیه اولوب حال فرارده بولنان
و در سعادت هیئت اتهامیه سندن بالانها م حقنده
اخذ و گرفت مذکره سی ویرلمش اولان و اوصاف
واشکالنه دائر اوراق تحقیقه ده برکونا قید
واشارت کوریه میان اطه بازاری سنک الان جمعه
قریه سنده چرکس مراد الان اله کچوریه مامش
اولدیندن اصول محاکمات جزائییه قانوننک
اوچبوز یتیش برنجی ماده سنه توفیقاً قانونه اطاعتله
محکمه به کلک اوزره تاریخ اعلاندن اعتباراً
قراری مرقومه جانب ریاسندن اون کون مهل
ویرلمش اولمقله مدت مذکورده ظرفنده محکمه به

ازمید سنجاغنه تابع اطه بازاری قضاسنک
بکلک قشله مقصودیه قریه سی اهالیسندن و مهاجرین
چرا که سنه دن عثمانک قتل کیفیتندن طولای مظنون
علیه اولوب حال فرارده بولنان و در سعادت
هیئت اتهامیه سندن بالانها م حقنده اخذ و گرفت
مذکره سی ویرلمش اولان اطه بازارنده باغ
بکجیلیکی ایدن و اوصاف واشکالی غیر مضبوط
بولنان مهاجر احمد دائی الان اله کچوریه مامش
اولدیندن اصول محاکمات جزائییه قانوننک
اوچبوز یتیش برنجی ماده سی موجبجه قانونه

اطاعتله محکمه به کک اوزره تاریخ اعلاندن
اعتباراً فراری مرقومه طرف ریاستدن اون
کون مهل ویرلش اولغله مدت مذ کوره طرفنده
محکمه به کدیکی خالده قانونه اطاعت ایتماش
نظریله باقیله رق محاکمه سی غایباً بالاجرا حقوق
مدنیهدن اسقاط واموالی جز ایدیه جکی و بو
اشاده مرقومک اقامه دعویه حتی اوله میه جفی
کبی مرقومک بولندی عی علی بیلنر خبر ویرمه
وبالمله ضابطه عدلیه مأمور لرینک مرقومی
دردست ایتمک مجبور بولند قلمی بیانیله اعلان
کیفیت اولنور .

فی ۲۹ رجب سنه ۳۱۴

وفی ۲۲ کانون اول سنه ۳۱۲

قناطو خاندن ۴ نومرولی اوطه ده مقیم
تبعه دولت علیه دن قومیسو نجی اندون ناخکیانک
مقدما خان مذ کورده ۸ نومرولی اوطه ده
سا کن ایکن الیوم اقامتکلی مجهول بولندی
خبر ویریلان قومیسو نجی تبعه دوات علیه دن
سیمون اق اوزانیان علیه نه درسمادت محکمه
تجارتی ایکنجی مجلسنده اقامه ایلدیکی افلاس

ادعای اوچوز اون ایکی سنه سی کانون ثانینک
یکرمی ایکنجی چهارشنبه کونی ساعت التیده
فصل ورؤیت اولنه جفندن یوم وقت مزبورده
مدعی علیه مرقوم سیمون اق اوزانیانک بالذات
محکمه مذ کورده حاضر بولنسی ویا خود مصدق
سندله بر وکیل کوندرمی لازمه جکی وشاید
کمز وکیل کوندرمز ایسه حقنده معامله
قانونیه نک اجرا اولنه جفی معلوم اولق اوزره
تنظیم اولسان دعوتیه ورقه سی محکمه نک
دیوانخانه سنه تعلیق اولندی کی اوراق حوادث
واسطه سیله دخی اعلان اولنور .

فی ۲ شعبان سنه ۳۱۴

وفی ۲۷ کانون اول سنه ۳۱۲

درسمادته وفاده شمس الدین منلا کورانی
مجلسنده نومروسز خانه ده سا کنه لطفیه خانک
مقریکوینده جویرلکده مقیم مانیفاطوره جی
تبعه دولت علیه دن یوزغادلی سراقیان علیکسان
وبرادرلری دیقرا واونیک ایل والدلری
سرپوهی قادین ذمتلرنده چکمه جی بدایت
حقوق محکمه سندن صادر اولوب برر قطعه

صورتلری مرقومونه تبلیغ ایدلش اولان
فی ۱۶ تشرین اول سنه ۳۱۲ تاریخلی وقرق دوت
نومرولی اعلام غیابی موجب ججه محکوم به الاجفی
اولان ایکیوز الی الی عدد لیرای عثمانینک تأمین
استیفاسی ضمننده یوزغاد قصبه سنده اسکی بازار
مجلسنده واقع معلوم الحدود بر باب خانه ونختنده
بر باب مغازه نک اوتوز ایکی سهم اعتباریه یکرمی
بش سهمی وفاء مفروغ بولنش اولدیغندن املاک
مرهونه مذ کوره نک بالمزایده فروختی حکم
واعلام مقتضاسندن اولمقدن ناشی معامله اجراشیه نک

۲۵ کانون اول سنه ۳۱۲

ایفا و مبلغ مزبور ایکیوز الی الی عدد لیرای
عثمانینک املاک مذ کوره بدلندن استیفا اولنسی
طلب واستدعاسیله مومی الیها جانبندن اصل اعلام
وتبلیغ علم وخیر لرینک لقیله ویریلان استدعا
اوزرینه محکوم علیهم مرقومونه کوندریلان
اخبارنامه مرقوموندن علیکسان و دیقراز و سربو
هینک قریه مرقومه ده اولمقدلری و محل اقامتلری
مجهول بولندی علم وخبر زیرینه مختار طرفندن
یازیلان شرحده کلا شلمش اولدیغندن اولاباده کی
اخبارنامه لری برر نسخه سی محکمه دیوانخانه سنه
تعلیق اولغله محکوم علیهم مرقومونک اوچ آی
ظرفنده اثبات وجود ایتلری و بو اوچ آیک
انقضاسنده اثبات وجود ایتدکلری صورتده

دینک ایفاسندن امتناع ایتمش عد اولنورق املاک
مذ کوره نک بالمزایده فروخته تشبث اولنه جفی
اجرا قانوننامه هایوننک یکرمی طقوزنجی ماده سی
موجب ججه اعلان اولنور .

تجاردن اغوب اغانک عزتو نجم الدین افندی
ذمتنده بااعلام الی جفی اولان مبالغت تأمین استیفاسی
ضمننده مرهون اولوب فروختی اسکدار بدایت
محکمه سندن ویریلان اعلام ایل محکوم بولنان
مجوهرات که بر بوروش مع بر لانیطه قوردون
وبرانجولو کویه وبرانجو اکنه وبر لانیطه کویه
وبر الماس حلقه وبر اوفق ساعت وبر مینه لی ساعتی
اشبو ماه حال رومینک اوتوزنجی بازار ایرتسی
کونی درسمادته جواهر بدستاننده ساعت الی
راده لرنده بالمزایده فروخت اولنه جفندن طالب
اولنلرک مجلسنه غریمتله مأمور مخصوصه مراجعت

ایلملری اسکدار اجرا مأموریتدن اعلان
اولنور .

فی ۲۶ کانون اول سنه ۳۱۲

درسمادته بالی بازارنده ساکن صراف
نومک لنگهده مقیم صراف نیکفور علیهنه درسمادت
بدایت محکمه سی برنجی حقوق دائره سنده اقامه
ایلدیکی الاجق دعواسندنطولایی جریان ایدن
حاکمه اوزرینه صادر اولان قرار قرینه مرقوم
نیکفور طرفندن استیناف ایدلمش وبوکره نوم
طرفندن ابراز اولنان ۹ تشرین ثانی سنه ۳۱۲
تاریخلو برقطعه استیناف اعلامندن مرقوم نیکفورک
یوم معینه اثبات وجود ایتماش اولمسندنشای
محکمه مذکورده اولبابده کی استیناف استدعا
سنگ رد وابطالیه حق محاکمه نک موقتاً سقوطنه
قرار ویرلمش اولدینی اکلاشیلهرق مدعی مرقوم
دخی موجبجه اكمال دعوی طلبنده بولنمش
وبرای محاکمه تنظیم واملا ومحل اقامتی اولوق
اوزره کوستریلان لنگهده کی اوطنه سنه ارسال

واسرا قلنان ورقه دعوتیه مرقوم نیکفورک
مصرعه عزیمت اولندیقنه دائر محله مختاری طرفندن
ویریلان شرح موجبجه اعاده قلمش ومدعی
ایسه مرقوم نیکفورک مصرک نره سنده اقامت
ایلدیکی کندوسنجه مجهول بولنمش اولدیغندن
بجمله غائب عدیله حکم قانونک اجراسنی طلب
ایدوب بوابسه اصول محاکمه حقوقیه قانونک
یکرمی التیمی ماده سنه موافق کورلمش وموجبجه
کانون ثانینک اون برنجی جمعه ایرتسی کونی مرقوم
نیکفورک مذکور برنجی حقوق دائره سنه کلسی
حقنده تنظیم قلنان ورقه دعوتیه محکمه دیوان
خانه سنه تعلیق اولنمش اولدینی کی برصورتی دخی
شوووجهله اعلان ابتهیرلمش اولدیغندن مرقوم
یوم معین مذکورده کلیدیکی ویا طرفندن بروکیل
کوندردمدیکی حلاله مذکور دعوانک غیاباً
فصل ورؤیت اولنه جنی اخطارایله معامله تبلیغیه
ایضا قلنور .

۱۹ کانون اول سنه ۳۱۲

عبداللطیف اغا ورثه سنگ درسمادت بدایت
محکمه سی ایکنجی حقوق دائره سندن استحصا
ایلدیکی اعلام موجبجه شا کراغا ذمتنده محکوم به
الاجنی اولان معلوم المقدار مبالغتک تأمین
تسویه سی ضمننده مدیون مرقومک عهده تصرفنده
بولنان فاتحهده قرلی مسجد محله سنده یشیل طلومبه
زقاغنده مکرر اون طقوز نومرولی وتخمیناً یوز
ارشون عرصه دروننده یوزچکی مقداری طاشی
حاوی عرصه التمش برکون اجرا قلنان مزاید
عائیه نتیجه سنده لیرای عثمانی یوز غروش حسابیه
بیک درتیوز غروشده طالبی عهده سنده تقرر
ایدرک مدیتک اقتضاسنه منی قرار داده سی کشیده
قلمش اولدیغندن بوندن زیاده یعنی یوزده بش
ضمیمه طالب اولنلرک اوتوز برکونه قدر اجرایه
مراجعت ایلملری درسمادت اجرا دائره سندن
اعلان اولنور .

فی ۲۸ کانون اول سنه ۳۱۲

احمدیه میداننده اورته چشمه بانچه سنده مقیم
بانچوان مترونک محل مذکورده طومه نک
بانچه سنده ساکن بانچوان وکوفه جی نیقولی ولد
طاشودن خانه بدله ویرمک اوزره اعطا ایتمش

اولدینی بالادعا طلب ودعوی ایلدیکی الی الی
عثمانلی لیراسی حقنده مرقومانک درسمادت
بدایت محکمه سی برنجی حقوق دائره سنده
اجرا قلنان محاکمه لرنده مرقوم نیقولی ابراز
اولنان دفترده محرر اولدینی اوزره خانه بدلی
اولهرق مرقوم متروندن اون بش لیرا استقراض
ایدوب اولیه الی الی لیرا الدیفنک اصلی بولندیغنی
بیانیله صورت انکارده بولنمش ومرقوم ایسه
مذکور الی الی لیرای اقرار ایدیلان ان بش
لیرادن بشقه جه اولهرق اشترا ایلدیکی خانیه
ویرمک اوزره مرقومه اقراض وتسلیم ایتمش
وبوجهتی ایسه شهود شخصیه ایله اثبات
ایده جکی سویلمش ایسه لرنده بشیک غروشی
متجاوز دعاویک سند ایله اثباتی لزومی مقتضای
احکام قانونیه دن بولندیغندن طولایی شهود شخصیه
استماع اولنه جفته دائر ویریلان قرار مرقوم مترو
طرفندن برای استیناف طلب ایدلمش اولمغله تأخیر
محاکمه اولنمش واخیراً مرقوم استیناف دعواندن
فراغتله دوام محاکمه طلب ایتمش ومحکمه جه اجرا
قلنان تحقیقات اوزرینه مدعی علیه مرقومک
غیوبت ایتدیکی اکلاشیلهرق یوم معینه محکمه ده
حاضر بولنمش محکمه دیونخانه سنه تعلیق اولنان
دعوتیه ده کوسترلیدیکی کی اوراق حوادثه دخی

اعلان ايتديريش اولديني حالده مرقوم نيقولينك اثبات وجود ايتاماسي جهتيله مدعينك طليله تعيين قلنان وكيل مسخر مواجهه سنده غياباً رؤيت دعوى اولنه رق مبلغ مدعايه مذكور اللى الى ليرانك استدا تاريخي اولان ۲۳ حزينان سنه ۳۱۰ تاريخندن اعتباراً مثلي تجاوز ايتامك اوزره ايجاب ايدن فائض درتيوز اوتوزش غروش مصارف محاكمه سيله معاً مدعى عليه غائب مرقوم نيقوليدن تحصيلي متفقاً قرارشديرله رق اولبايده تنظيم اولنان ۱۴ كانون اول سنه ۳۱۲ تاريخ وسكزيوز طقسان بش عددلى اعلامك برقطعه صورت مصدقسي دخي اصول محاكمه حقوقيه قانوننك يكرمي التنجي ويوز اوتوز التنجي ماده لري موجبجه محكمه ديوانخانه سنه تعليق اولنديني كي برصورتيدده اوراق حوادثله اعلان ايتديريش اولمق جهتيله معامله تبليغيه ايضا قلنمشدر .

في ۲۸ كانون اول سنه ۳۱۲

طوبخانه ده اكلى يقوشده بلا نومر خانه ده ساكن احسان افندي زوجه سي امينه خانمك قوسقه ده معمار كمال الدين محله سنده صديق بكك قوناغنده ساكن تشريفاتي اسبق محمد نظيف بكك مخدومي عا كفف بك عليه نه ددرسماعات بدايت محكمه سي برنجي حقوق دائره سنده اقامه

ايدليكي زيتونلك دعواسندن طولاني مدعى عليه عا كفف بكك اوراده بولمويوب محل اقامتي مجهول ايدوكي محله امامي طرفندن ويريلان شرح ايله اعاده ايدلمش اولان ورقه دعوتيه ظهرنده كي معاملاتله اكلا شيله رق اخيراً مومي اليهك غزته لر ايله اعلاني صورتيله دعوت ايدلمسي دخي مدعيه مزبوره طرفندن طلب واستدا قلنديغنه وبوطلي ايسه اصول محاكمه حقوقيه قانوننك يكرمي التنجي ماده سنه موافق كوريله رك مذكور ماده حكمه توفيقاً مومي اليه عا كفف بكك كانون ثانيك اون التنجي پنجشنبه كوني ساعت بش راده لرنده محكمه مذكوره كلسي وعكسي حالنده حقه ده مذكور دعوى غياباً رؤيت اولنه جفتي ميين اولان ورقه دعوتيه محكمه ديوانخانه سنه تعليق اولنديني كي برصورتى دخي شو وجهله اعلان ايتديريش اولديقندن مومي اليه عا كفف بكك يوم ووقت معين مذكوره بالذات كلدكي وياخود مصدق سنده بروكيل دخي كوندرمديكي حالده حقه ده معامله غيايه اجر اوله جفتي اخطاريله معامله تبليغيه ايضا قلنور .

في ۹ شعبان سنه ۳۱۴

وفي ۱ كانون ثاني سنه ۳۱۲

(مطبعة عامره ده طبع اولمشدر)